

BEATI BARTHOLOMÆI

ABBATIS MAJORIS MONASTERII

EPISTOLA AD ERNALDUM EPISCOPUM CENOMANNENSEM.

(MABILL. Act. tom. IX, pag. 387.)

Domino ac venerabili Cenomannensium Dei gratia A
episcopo E. et cuncto beatissimi confessoris Juliani
incolyto gregi, Majoris Monasterii humilis abbas
frater B. cum fratribus suis fideles orationes.

Miramur vāte, domine venerande Præsul, pru-
dentiam vestram quid sibi velit, ut nobis calumniam
de altari de Vivoniâ inferat, qui hæc de vestra boni-
tate sperabamus, quod, si aliunde nobis calumnia
insurgeret de illo altari, vos contra omnes calum-
niatores invictum defensorem haberemus. Scitis
enim quod antecessor vester, pie semper memoran-
dus Wlgrinus episcopus, illud altare nobis in perpe-
tuum absque relevamento tenendum donavit cum
assensu omnium primatum Ecclesiæ vestræ, imo et
totius capituli beatissimi Juliani. Cujus etiam dona-
tionis causa ita in Christo charitate scæderati sumus B
et uniti, nos scilicet monachi Sancti Martini, et vos
canonici Beati Juliani, ut vos in societatem totius
benefacti nostri receptos, quidquid deinceps in
orationibus vel eleemosynis apud Deum boni prome-
reremur, totius mercedis nostræ ac retributionis in
æternum consortes haberemus, firmato inter nos et
vos pacto, quod nos pro vestris canonicis in obitu
singulorum facere debeamus, et vos pro nostris
monachis. Quam unitatem nostram in Domino ne
quis posteriorum per ignorantiam scindere ulla
occasione tentaret, scriptum de hac re diligenter a
vobis compositum est; quod ut inviolabilem obtineret
firmitatem, ipsius domni Wlgrini episcopi, om-
niumque vestræ Ecclesiæ primorum auctoritate
munitum et corroboratum est. Cum hæc igitur C
omnia bene noverit prudentia vestra, domine vene-
rande Pater, quomodo tam profunde obdormivit
ratio animi vestri et antiqua benignitas, ut tam

evidentem injuriam fratribus vestris excellentia vestra
facere non metuat? Quod si vos fraternæ injuriæ
respectus non movet, nunquid pro nihilo aut leve
ducitis, quod Cenomannensis Ecclesiæ et episcopalis
dignitas et canonicalis auctoritas pari consilio fir-
mavit, hoc violare ullo modo ac destruere? In quo
tam male de vobis meruit sancta ecclesia beatissimi
Juliani, quæ vos sibi rectorem atque pastorem præ-
fecit, quam vos totis viribus vestris honorare et
exaltare debueratis, quia et ipsa prior vos honoravit
gratis et exaltavit? Quid meruit, ut, cum omnes
Ecclesiæ totius Franciæ et Aquitaniæ, imo et totius
Galliæ hanc obtineant dignitatem, ut quod semel in
capitulo earum firmatum est, nullus posteriorum
violare præsumat, vos Cenomannensem Ecclesiam
B hac dignitate, quam per tot sæcula usque ad vestra
tempora obtinuit, spoliare non vereamini? Cur inter
omnes totius Galliæ Ecclesias inferior erit sancta
mater Ecclesia Cenomannensis, ut cum illæ omnes,
et majores et minores, firmam capituli auctoritatem
habeant, mater Ecclesia Cenomannensis nullam
habeat auctoritatem? Si aliqua sæcularis persona
quantilibet potens hoc facere præsumeret, dignum
quidem fuerat episcopum cum toto clero suo, propter
amorem Dei et Ecclesiæ suæ, mortem potius libenter
appetere, quam Ecclesiam suam dehonestari ulla-
tenus consentire. Verum hæc quo modo se habeant,
vos, beatissimi Juliani grex incolyte, summopere
admonemus ne vos antiqua vestra dignitate ulla
ratione denudari patiamini. Postremo ut nostram de
C hac re sententiam sciatis, de re tam legitime ac tanta
auctoritate firmata nunquam in judicium venire
decrevimus. Bene valete.

APPENDIX

DE REBUS GESTIS IN MAJORI MONASTERIO SÆCULO XI.

1. Cæterum ut, ad nostra revertentes, jam ea quæ
munificencia divina inter nos et erga nos, licet indig-
nos, operari dignata est, et ad laudem nominis
ejus, et ad ædificationem posteriorum, quo possumus
stylo, proferamus: non immerito, ut opinamur,
animæ fidelium Majoris Monasterii suffragia referun-

tur expetere, in quo tanta tam pro vivis quam et
pro defunctis in orationibus et eleemosynis fiunt
beneficia. Quidni enim illic votorum obtineatur effe-
ctus, ubi patrocinatur præpotens et sublimis ille
sacerdos Martinus, qui, humillimi magistri Jesu
Christi humilis et constans imitator, maxime humi-